

## গণপ্রজাতন্ত্রী বাংলাদেশ সরকার

৳১০০



৳১০০

একশত টাকা



কথ ০৮৫৫১২০

## চুক্তিনামা

এই চুক্তি নামা অদা ১৫/০২/২০১৪ তারিখে নিম্নবর্ণিত পক্ষগণের মধ্যে সম্পাদিত হইল।

**প্রথম পক্ষঃ** গণপ্রজাতন্ত্রী বাংলাদেশ সরকার, তাহার প্রতিনিধিত্ব করিবেন পরিকল্পনা মন্ত্রণালয় পরিকল্পনা বিভাগের অধীন সামাজিক বিজ্ঞান গবেষণা পরিষদ -এর সহকারী পরিচালক।

দ্বিতীয় পক্ষঃ মুহাম্মাদুল হাই দিদার বর্তমান ঠিকানাঃ টিউলিপ জমিদার ভিলা, ফ্ল্যাট# এ-৬, বাসা# ৮৫, সড়ক# ১৭, ব্লক# এ, খিলগাঁও, তিলপাপাড়া, ঢাকা-১২১৯, স্থায়ী ঠিকানাঃ গ্রাম ও ডাকঘর- সান্তানপাড়া, ইউনিয়ন- ডাংগা, উপজেলা- পলাশ, জেলা- নরসিংদী, বিভাগ- ঢাকা,

যেহেতু দ্বিতীয় পক্ষ এই চুক্তির পরিশিষ্ট 'ক'-তে উল্লিখিত প্রস্তাবনা অনুযায়ী “Problems of Mathematics Education: A Search of its Reasons in Aliyah Madrasahs of Dhaka City” -শীর্ষক প্রমোশনাল গবেষণা কার্যটি সর্বোচ্চ ০৪ (চার) মাস সময়ের মধ্যে সম্পাদন করিতে সম্মত হইয়াছেন, সেইহেতু উপরে বর্ণিত পক্ষগণ নিম্নবর্ণিত শর্তে এই চুক্তি সম্পাদন করিলেনঃ-

## শর্তাবলীঃ

(ক) পরিশিষ্ট 'ক' এই চুক্তির একটি অবিচ্ছেদ্য অংশ বলিয়া গণ্য হইবে এবং ইহাতে উল্লিখিত গবেষণা প্রকল্প এই চুক্তির অধীন সম্পাদনীয় প্রকল্প হইবে;

(খ) প্রথম পক্ষ উক্ত গবেষণা কার্য সম্পন্ন করার জন্য দ্বিতীয় পক্ষকে সর্বোচ্চ ৪৪,০০০ (চুয়াল্লিশ হাজার) টাকা মাত্র যথাযথ কর্তৃপক্ষের অনুমোদন সাপেক্ষে মোট ০৪ (চার) কিস্তিতে প্রদান করিবে।

(গ) মঞ্জুরীকৃত টাকার কিস্তিগুলি হইবে নিম্নরূপঃ

- 1) প্রথম কিস্তি শতকরা ২৫ ভাগ অর্থাৎ ১১,০০০/= (এগার হাজার) টাকা কমপক্ষে ২৫ ভাগ কার্য (গবেষণার মূল নক্সা Research Design চূড়ান্তকরণ, মাঠ পর্যায়ে তথ্য সংগ্রহের জন্য প্রণীত প্রশ্নমালা চূড়ান্তকরণ এবং তথ্য সংগ্রহের জন্য ফিল্ডে গমন গৌণ তথ্য/উপাত্ত Secondary data/information নির্ভর গবেষণা/সমীক্ষার ক্ষেত্রে পর্যালোচিত তথ্য/গ্রন্থের তালিকা গাইড/ তত্ত্বাবধায়ক কর্তৃক অনুমোদন) সম্পাদনের পর তত্ত্বাবধায়ক/সংযুক্ত প্রতিষ্ঠানের নিকট হইতে এই মর্মে সনদ এবং বিল ভাউচারাদি প্রাপ্তির পর প্রদান করা হইবে।
- 2) দ্বিতীয় কিস্তি শতকরা ২৫ ভাগ অর্থাৎ ১১,০০০/= (এগার হাজার) টাকা কমপক্ষে ৫০ ভাগ কার্য (তথ্য সংগ্রহের কাজ ১০০% সম্পন্নকরণ তথা ডাটা এন্ট্রিসহ তথ্য ও উপাত্ত প্রক্রিয়াকরণ) সম্পাদনের পর তত্ত্বাবধায়ক/সংযুক্ত প্রতিষ্ঠানের নিকট এই মর্মে সনদ এবং বিল ভাউচারাদি প্রাপ্তির পর প্রদান করা হইবে।
- 3) তৃতীয় কিস্তি শতকরা ২৫ ভাগ অর্থাৎ ১১,০০০/= (এগার হাজার) টাকা কমপক্ষে ৭৫ ভাগ কার্য সম্পাদনের পর (খসড়া প্রতিবেদন উপস্থাপন ও সামাজিক বিজ্ঞান গবেষণা পরিষদসচিবালয় কর্তৃক পরীক্ষা-নিরীক্ষার ভিত্তিতে খসড়া প্রতিবেদনটি সংশোধন ও সম্পাদন শেষে পরিষদ কার্যালয়ে উপস্থাপনের পর তত্ত্বাবধায়ক/সংযুক্ত প্রতিষ্ঠানের নিকট হইতে এই মর্মে সনদ এবং বিল ভাউচারাদি প্রাপ্তির পর প্রদান করা হইবে।

চলমান পাতা-২

*Signature*





কথ

০৮৫৫১২১

পূর্বের পৃষ্ঠা থেকে —

- ৪) শেষ/চূড়ান্ত কিস্তি শতকরা ২৫ ভাগ অর্থাৎ ১১,০০০/= (এগার হাজার) টাকা ১০০ ভাগ কাজ সফলভাবে সম্পাদন শেষে চূড়ান্ত প্রতিবেদনটি সামাজিক বিজ্ঞান গবেষণা পরিষদ কর্তৃক গৃহীত হওয়ার পর নির্দিষ্ট সংখ্যক কপি পরিষদ কার্যালয়ে উপস্থাপনের পর ও অন্যান্য শর্তাবলী পূরণের পর চূড়ান্ত কিস্তি হিসাবে প্রদান করা হইবে।
- (ঘ) উপ দফা (১) এর অধীনে গৃহীত অর্থের জন্য দ্বিতীয় পক্ষকে প্রথম পক্ষের নিকট গ্রহণযোগ্য কোন ব্যক্তি বা প্রতিষ্ঠানের নিকট হইতে এতদসংশ্লিষ্ট সংযুক্ত ফরম 'গ' -তে এই মর্মে একটি জামানত (Security) দাখিল করিতে হইবে যে, দ্বিতীয় পক্ষ কর্তৃক গৃহীত অর্থ যে উদ্দেশ্যে গ্রহণ করা হইবে সেই উদ্দেশ্যে দ্বিতীয় পক্ষ কর্তৃক নির্ধারিত সময়ের মধ্যে ব্যবহৃত না হইলে বা যথাযথভাবে ব্যবহৃত না হইলে জামানত দাতা নির্ধারিত সময়ের পরবর্তী ৩০(ত্রিশ) দিনের ভিতর উক্ত অর্থ অথবা ক্ষেত্রমত, উহার অব্যবহৃত অংশ পরিশোধ করিতে বাধ্য থাকিবেন।
- (ঙ) গবেষণা কার্যের জন্য প্রতি ১(এক) মাস সময়কে একটি টার্ম হিসাবে গণ্য করা হইবে। প্রতিটি টার্ম সমাপনান্তে দ্বিতীয় পক্ষ প্রথম পক্ষের নিকট এতদসংশ্লিষ্ট সংযুক্ত ফরম-ক'তে তিন প্রস্থে টার্ম রিপোর্ট দাখিল করিবেন। নির্দিষ্ট বাজেট এবং নির্ধারিত সময়ে কোন সংগত বা গ্রহণযোগ্য কারণ ছাড়া দ্বিতীয় পক্ষ গবেষণা কার্য চূড়ান্তরূপে সম্পন্ন করিতে ব্যর্থ হইলে অনুরূপ ব্যর্থতার সম্পূর্ণ দায়দায়িত্ব দ্বিতীয় পক্ষকে বহন করিতে হইবে এবং প্রথম পক্ষের নিকট হইতে গৃহীত সমুদয় অর্থ দ্বিতীয় পক্ষ ফেরৎ দান করিতে বাধ্য থাকিবেন। প্রকৃত ব্যয় মঞ্জুরীকৃত মোট অর্থের কম হওয়ার ক্ষেত্রে অব্যয়িত অর্থ প্রথম পক্ষকে ফেরৎ প্রদান করার জন্য দ্বিতীয় পক্ষ বাধ্য থাকিবেন।
- (চ) গবেষণা কার্যের অগ্রগতি সম্পর্কে অবহিত হওয়ার জন্য প্রথম পক্ষের নিকট হইতে ক্ষমতাপ্রাপ্ত যে কোন কর্মকর্তা মাঠ পর্যায়ে উক্ত কার্য পরিদর্শন ও তদারকি করিতে পারিবেন।
- (ছ) নির্ধারিত সময়ের মধ্যে দ্বিতীয় পক্ষ গবেষণা কার্য সম্পন্ন করিয়া ২ (দুই) কপি টাইপকৃত খসড়া প্রতিবেদন প্রথম পক্ষকে প্রদান করিবেন। তবে এম,ফিল/পিএইচ,ডি গবেষণার ক্ষেত্রে দ্বিতীয় পক্ষ নির্ধারিত সময়ের মধ্যে থিসিস সংশ্লিষ্ট বিশ্ববিদ্যালয় কর্তৃপক্ষের নিকট উপস্থাপন করিবেন।
- (জ) প্রথম পক্ষ উপযুক্ত কোন বিশেষজ্ঞ দ্বারা খসড়া প্রতিবেদনটি মূল্যায়ন করিবেন। উক্ত বিশেষজ্ঞ যদি খসড়া প্রতিবেদনটিতে কোন রকম পরিবর্তন বা সংশোধনের সুপারিশ করেন তাহা হইলে উক্ত পরিবর্তন বা সংশোধন করিয়া প্রতিবেদনটি চূড়ান্ত করার জন্য দ্বিতীয় পক্ষকে নির্দেশ দান করিবেন। দ্বিতীয় পক্ষ উক্ত নির্দেশ যথাযথভাবে পালন করিতে বাধ্য থাকিবেন। বিশেষজ্ঞের সুপারিশ/মতামত অনুযায়ী খসড়া গবেষণা প্রতিবেদনটি নির্দিষ্ট সময়ের মধ্যে মানসম্মতভাবে উপস্থাপনে যদি দ্বিতীয় পক্ষ ব্যর্থ হন তবে ইতোপূর্বে গৃহীত সমুদয় অর্থ ফেরৎ প্রদানে বাধ্য থাকিবেন।
- (ঝ) দ্বিতীয় পক্ষ কর্তৃক খসড়া প্রতিবেদন উপরে উল্লিখিত নির্দেশ মোতাবেক চূড়ান্তকরণের পর ১৫(পনের) কপি গবেষণা প্রতিবেদন, এতদসংশ্লিষ্ট সংযুক্ত ফরম 'খ' -তে ৫(পাঁচ) প্রস্থ প্রকল্প সমাপ্তি প্রতিবেদন এবং ৩(তিন) প্রস্থ খরচের সর্বশেষ হিসাব প্রথম পক্ষের নিকট দাখিল করার পর প্রথম পক্ষ দ্বিতীয় পক্ষকে শেষ কিসির বাকি সমুদয় অর্থ প্রদান করিবেন।

চলমান পাতা-৩

H. S. S. S.

স্বাক্ষর



গণপ্রজাতন্ত্রী বাংলাদেশ সরকার

৳১০০



৳১০০

একশত টাকা

কথ ০৮৫৫১২২

পূর্বের পৃষ্ঠা থেকে-

- (এ) এই চুক্তির অধীন সম্পাদিত গবেষণার মাধ্যমে প্রণীত প্রতিবেদনটি সম্পূর্ণরূপে প্রথম পক্ষের সম্পত্তি বলিয়া গণ্য করা হইবে তবে প্রথম পক্ষের পূর্বানুমতি গ্রহণপূর্বক দ্বিতীয় পক্ষ প্রতিবেদনটি মুদ্রণ, প্রকাশ কিংবা বিক্রয় করিতে পারিবেন এবং সেই ক্ষেত্রে দ্বিতীয় পক্ষকে প্রথম পক্ষের অর্থানুকূলে গবেষণা কার্যটি সম্পন্ন হইয়াছে, এই মর্মে প্রকাশনায়/গ্রন্থে উল্লেখ করিতে হইবে।
- (ট) এই চুক্তির অধীন গবেষণা কার্যের জন্য প্রদত্ত অনুদানের টাকায় ক্রয়কৃত যে কোন বৈজ্ঞানিক যন্ত্রপাতি, গ্রন্থাদি এবং গ্রন্থাগার সামগ্রী চূড়ান্ত প্রতিবেদনের সাথে প্রথম পক্ষের নিকট হস্তান্তর করিতে হইবে এবং
- (ঠ) গবেষণা কার্য চলাকালীন সময়ে দ্বিতীয় পক্ষ অন্য কোন গবেষণা কার্যে বা কোন প্রকল্পের কার্যে অংশগ্রহণ করিতে অথবা এই চুক্তির অধীন গবেষণা কার্য অসমাপ্ত রাখিয়া দ্বিতীয় পক্ষ ১(এক) মাসের অধিক মেয়াদের জন্য বাংলাদেশের বাহিরে যাইতে পারিবেন না এবং যদি তিনি অনুরূপ মেয়াদের জন্য বাংলাদেশের বাহিরে যান তাহা হইলে তিনি এই চুক্তির শর্ত ভঙ্গ করিয়াছেন বলিয়া গণ্য করা হইবে। যে ক্ষেত্রে বিদেশে অবস্থানের মেয়াদ ১ (এক) মাসের কম হয় সেই ক্ষেত্রেও দ্বিতীয় পক্ষকে প্রথম পক্ষের পূর্বানুমতি গ্রহণ করিতে হইবে।

স্বাক্ষরঃ

প্রথম পক্ষঃ

১।সাক্ষরঃ

সাক্ষীর নামঃ

ঠিকানাঃ

(স্বাক্ষর)  
গণপ্রজাতন্ত্রী বাংলাদেশ সরকার  
সচিবালয়  
পল্লীশিক্ষা বিভাগ/প্রশিক্ষণ  
গণপ্রজাতন্ত্রী বাংলাদেশ সরকার

২৬/২/৮

২।সাক্ষরঃ

সাক্ষীর নামঃ

ঠিকানাঃ

১২৫৫১২২  
ডঃ চন্দ্রকান্ত  
ডঃ চন্দ্রকান্ত হাফিজ  
১৪/৬, গ্রীনপোর্ট ইন্ডাস্ট্রি  
কোয়ার্টার্স, কলকাতা, তাম্র

দ্বিতীয় পক্ষঃ

(স্বাক্ষর)